

睫巢集

曉巢集

廬青山人李 錯鐵君

詩卷三

天城寺

束髮牽世網衰謝仍漂搖往迷泥塗步今迴塵外
鑣遣此殷憂懷況值芳春朝靈區貢隈隩淨域棲
寂寥飛軒面空翠丹壁摩青霄肅肅山翟飛趯趯
鼯鼠跳塏鈴語真唄松雪灑驚飈萬化無端倪無
生自逍遙委形誠斯須揮手謝松喬

晚過天城寺看老梅

梅爲緒宗和尚植今歷三世八十餘年矣

寒勒將舒蕊春蘇半槁根孤清真欲絕遲暮復何
言幸與歲時久深叨封植煩低回對虛館山月共
黃昏

上方寺

獨隔層嵐迥今知細路深一時移耳目萬象變蕭
森古拙居人服偏私造物心天門雙日月隨意自
升沉

風磴殘雲外虹梁瀑水西險愁巖石墮冷逼洞猿

啼白日行如夢青天瞰欲低上方信幽絕消得昔
人題

支離叟二松歌

在劍臺東
予所名也

物有奇偉每絕倫意想所及猶非真乾坤乃有此
松樹被髮狂叫驚天閭何時於此詭託根皴皮斑
駁蒼龍鱗千年偃側忽怒伸媧石迸裂青天痕風
雷倒激鐵榦偃日月低盪秋陰昏下有一株不盈
尺連蜷天矯蟠龍孫二者化身夫誰是伸縮大小
真有神諸松鵠騫復鳳翥視此一切非其羣形神

直追古蒼頡冠劍儼對荆靈均陰森不敢久相逼
鬼物呵護如欲嗔委蛇却下恣太息回首一峯沉
亂雲

盤泉

巖壑無定姿綢緼變清旦勝因引紆步得趣成汗
漫微暄解作近芳意甲坼先松止鬱蓊蔚蘭阪虛
蔥蒨熒熒和景鮮活活激響亂偶逐巖下雲遂及
垂虹澗疊石紛隄塞飛流莽洄旋境遠神俱冥賞
眞理獨見近服任公訓熟與海鷗玩盥手弄鯨魚

遊心同伴奐

自少林至西靜室

老鶴欻密林猛虎蹲伏莽黝黝亭午陰參參太空
響曠懷無前期高興肆獨往化城周大千維摩室
方丈布毛證鳥窠

東鄰有僧常樹棲晝夜不下

妙諦飛龍象儻

非水精域焉啟鴻荒想縱心以天遊六鑿罷相攘
鯉石行

吾聞東海之鯉能變化湖山飛越唯須臾此石行
狀苦神似往者毋乃真巨魚怒目輪囷大於斗鼓

鬢振鬣勢欲走倚峽猶飛失水心衝天直奮吞舟
口慘澹風雲入顛顛土花石蘚空鱗次江湖何日
得相忘螻蟻能無受其制陰潭秋雨沉沉急龍母
叫嘯鮫人泣君不見朽瓜鳥足何太神解化江魚
與胡蝶

指石行

田盤山中盡玄礪險怪離奇出思議柱師短杖慣
冥按披葛捫蘿親指示玉指一雙拄厓際渾融雕
琢真殊致夔魑辟易罔象藏半天揮拂雲霞墜或

者牟尼初度時此是當時第一義我來睇視心鬱
紆良久摩挲古蒼翠安得力士移置神堯堦區別
忠佞無隱懷

送別周西穆

神馬不受羈慈烏方告哀棲棲遠遊子握手長河
隈縞衣照斑鬢色慘神不頽蕭索天雞翼磊砢豫
章材清超見真摯簡易名理該空波漾返景歸櫂
行相催敢恤川塗別所念音塵乖身無雙飛翼送
子以鄙辭東海還牧豕北山聊鑿坏毋滋陵陽泣

璞玉慎所懷

和劉東郊五石瓠堂夜坐懷西澗藏公

一雁叫雲碧亂山今夜秋若無良夢寐何以對林
上虎氣吹沙冷螢光拂水幽坐知燈火下也自憶
玄州

落葉

西風吹故林一葉一秋心生理或未盡暮愁相與
深因知白髮者中有老懷侵獨立斜陽外君聽感
倡音

有所思

海門開返照烟景入蕭森秋草晚猶綠相思深復
深鹿盧沉寶氣山鬼嘯窮陰白髮終貧病蒼茫天
地心

寄楊青眉

情誼與君如雁行漂搖急爲定行藏一身投老乾
坤窄八口熬飢日月長衰廢敢嫌吾道直孤貧端
信友生良由來貨殖龍門傳別有深心寄慨慷

展墓作

三月十有七日直 先大人忌墓祭畢與客坐
溪上客曰先公卽世後僕繼遊蜀至夔見村民
鬨簫鼓懸像祀諸社叩之則曰此蜀藩李公像
也公大有造於我去之日遂於春秋社及我公
初度日所在祀祝之迄於今語未竟雪涕對下
嗚咽失聲嗟乎悲哉遺德在人笑言莫覲華屋
山丘親知抱痛況皐魚乎

傷心此日墓門邊風樹銜悲廿四年食客尙能談
旣往蜀人真不負從前采詩絕徼聞淳俗遺像干

秋實異傳相對失聲同一哭峽雲蒲水兩茫然

墓在

古曲逆蒲
水出焉

暮春雨中脩三姪以騎邀迎過宿其山莊

泥滑新莎路曲盤花飛曉水氣清寒棲遲苦厭常
欹枕顧盼猶能一據鞍雨色欲淹春索莫馬蹄不
限步艱難亦知癡叔癡應絕倒著山公醉後冠

春郊雅集詩

丙午春三月會羣從子弟於北郭弘慈寺飲酒
較射行樂也而哀生焉夫以叔向之賢鬼餒羊

舌叔敖之貴厥息負薪所謂澤延五世河潤九
里者非所聞乎雖然少長無故秩秩棣棣迄於
今日謂非先烈誰敢任之各賦所懷用識一時

小集宜羣季春遊喜北陂一觴愁亦盡四矢晝能
移晚日明皮鵠微風叫餓鴟將軍推善射不信數

仍奇

先從父望坡公神射絕倫康熙初應選爲
八旗第一恩賜優渥將命出鎮而卒

柳碧關南路花飛郭外村時平邊候少寺古佛燈
昏取醉忘衰病行歌有弟昆百年多聚散此會莫

輕論

乞米東鄰僧

起來煙火斷山厨乞米東鄰亦太迂
龍樹久知離
望礙鹿門猶恨有妻孥古情質直忘賓主
法界虛
空滅有無一鉢齋糧聊給日慈悲能濟范萊蕪

孤村

一杖全吾道孤村見古風
理看生育遂俗尙有無
通瘠土民無逸山田歲不豐
側身空谷底天意放

愚公

接插

接插果木也

母爲戀舊林別假一枝陰忽鑿自然理翻知造物
心異根能作合非種莫相侵君看芝蘭室其中漸
染深

夏至又雨

不識皇天意空憐小麥秋眼穿看垤蟻心苦辨林
鳩煙火遲方舉雲霓濕未收腐儒甘餓死今日爲
誰愁

同西澗藏公重過野寺茗飲

搖落窮秋後山寒木葉深短筇乘野興緩步得幽

尋只是他時事真成隔世心再來陳跡埽孤磬起
清音

道侶時相見山翁許共過茗柯能悟入石火任消
磨影覆慈雲暖香生忍草多辯才今鈍拙無事怯
維摩

不設禪關槭茅庵擁碧沙狙公秋拾栗山鬼夜簪
花虛白了無染寒陰半欲遮未能心轉物每到輒
忘家

觀村人刈稼

山村數家面山處屋茅不葺籬不補冬春糠覈暫
餬口有日桑陰閒白杵秋風西疇熟新黍大兒轉
碌礪小兒滌場圃老農伐薪婦輓釜里正跨驢來
擊戶

溟滓歌

山之蕩兮水之洞兮闐其同溟滓兮何踰之來予
攘兮

野步口號

暮山秋水澹橫姿拄杖乘閒野步遲清響一聲崖